

言爲是噫嘻詩其不亡乎此不  
伎所以心折礪甫也

天啟辛酉春

新野友弟馬之駿撰



洛詞

襄陽懷古

廣平白南金著

乘春渡漢江枕流洗其耳上有鹿門山棲  
隱者誰子昨朝過大隄粉黛銷遺址今醉  
習家池開田尚鋤水山簡久不來銅鞮唱  
亦已幾看墮淚碑豈生徃者死江山閱盛  
衰歲月驚彈指嗟嗟古之人感慨曾如此

雪中別宋仲明

黃河一丈永長途千里雪樹杪朔風號鳥  
盡人烟絕有子望中行衝寒孤且子倚杖  
到官衙感君多磬折念此意何深出門難  
作別

孫子馨留飲兼惠篆文印席賦贈

睢陽有高士兩河推雄長一石握玄珠幾  
迴驚象罔翩翩醉我騰地舉今人棄復贈

斜斜印綵言恣恣賞山藏著後書千秋振  
絕響

自述

年華日以長生計日以微寂寥甘株守自  
省萬事非讀書識紇字不療兒女饑僂首  
千貴人出門無完衣仰天一大嘯白日澹  
餘暉

我生胡不辰少小耽家難年來已倦遊斯

人復崖岸春華有盛衰浮雲亦聚散仙去  
說盧敖誰能同汗漫以茲感懷抱徒爲發  
長嘆

登岱

振衣登岱岳長嘯出嶙峋白雲生遠岫扶  
桑日漸辰陰崖放桃花四月始知春捫蘿  
觀飛泉清可濯纓塵天門歷歷盡雙眸豁  
九垓徐市沉東海始皇跡空陳安期死瑯

琊武帝亦崩淪神仙皆妄言秦漢枉東巡  
當年封泰山間關祇勞民我來問山靈風  
雨何其嗔一望小天下桑田幾慨人

可嘆

粟米紅已朽市價高不移有家苦饑饉何  
能不遠離隣人聞我去感此心酸悲柴門  
尚未啓隔墻痛致詞沿途收旅稅無錢不  
可支

寒食

空齋久寂寥病起損顏色  
新柳插蓬門歲始知寒食  
釜餽烟火斷苔塔風雨蝕  
登甕燒紙錢我心悲以塞  
尚憐介之推焚死無人識  
如何矯矯龍于今亦鬼域  
吁嗟千載人榮枯一太息

率題 二首

龍性不可馴人心不可測  
龍性尚可調人

心終難識何如避  
貴麗聊自怡顏色  
龍性元不同飛潛  
難指摘嗟彼浮世人而  
每徇其跡豈知飛與潛  
龍性各有適

逢永寧王于伯少尹兼呈河間馮文

亭侍御

我爲邯鄲人子爲邯鄲客  
十載不相逢焉知會  
今夕對酒夜漸闌悠悠  
憶疇昔有男賴以婚  
感此心無教瀛海望雲  
生安能惜

所通

登臨洛舊城

風雨久崩城片堤存故址蕭瑟少人行但  
見東流水水聲日夜流靡華年年死想豫  
城中人白骨俱銷毀嗟嗟趙信宮寺今亦  
已矣車馬不來朝第宅知誰是寄語輕薄  
兒繁華竟如此

憂旱卽事

亢旱日以甚風霾終不休枉索鬼神祭徒  
使人民憂昔年苦饑饉強半季路溝今歲  
復凶荒遠離多漂流天高不可問哀哀空  
白頭

郭原仲太史留飲南園

秋聲漸以高城市分南園聚石起爲山乃  
在河之濟明公舉我觴雄譚揮玉塵坐久  
夜將闌寒螿猶在戶宛轉更登臺天香散

如許叢菊滿籬間如屏復如堵對此意何  
深聞鷄忽起舞明發唱驪歌有淚應如雨

題黃梁祠

仙人御風行辟穀竟絕粒黃梁世所食  
公豈家給假此度盧生世人遠傳襲嗟彼  
夢中迷紛紛猶蝟集恐懼爲浮名手版尚  
倒執惟有達者醒歸然而獨立千秋得令  
聞吾生安可及

叢臺弔古

叢臺一一邯鄲起趙武靈王宮在此天橋  
雪洞倚雲霄粧閣名花照羅綺臺上絃歌  
醉美人臺下秦鞬耀武士深宮行樂日驕  
奢寧知風雨摧朝市自從戰服變中原探  
穀沙丘竟餓死廢閣崩橋不計年叢臺此  
日猶遺址蒼榮委謝想容顏草色淒涼埋  
劍履臺下飛禽臺上啼繁華一旦隨流水

寄語邯鄲遊俠子悲歌感慨徒爲爾君不見平原君食客三千亦已矣

鄆公舟子墓下作

夫子問疾時曾遷南牖下一自永訣終以後無聞者何事洛城復有祠瓜井寥寥亦有墓相傳以癩自東來往浴溫泉西問渡東西死葬總茫茫草合荒村歌薤露村中歲久換人家墓上雲深走狐兔何來官長

一含情每年伏臘薦粢盛代人亡不可問憑誰喚起魯諸生

銅雀臺弔古歌

曹瞞臨死日遺令到茲臺施床設總帳作伎望陵來我今一弔古奸雄安在哉金鳳摧殘水井沒獨留銅雀鎖蒼苔揮絃往歲音沉土薦脯何年臭作灰墓田日走漳河水黯澹風沙慘不開嗚呼漳水無情人易

老操之如鬼何須道君不見建安七子赤  
凋零西園歲歲生荒草

過曲梁劉敬仲留飲賦贈

河朔才人天下士千秋振響斯文起青雲  
滿路出龍門白日登壇執牛耳一別山房  
十載餘高軒再過幾躊躇今年待詔金門  
下千里猶封寄我書曲梁此夕同杯酒感  
君意氣惟搔首中原雅調屬吾徒作者紛

紛竟誰有劒合雙龍信有時風塵枉自嘆  
支離小山叢桂年年發招隱何年借一枝

仙令行送馬毅許之葉縣

君不見雙鳧曾作王喬履葉縣仙風猶在  
此君侯出宰此雷封前後聲華同崛起維  
時送別草青青人到河橋散曉星折來楊  
柳新脂轄望去桃花遠蔭庭却咲葉公好  
幻術浪說真龍遂入室何似君侯製錦才



坐嘯經綸爲第一臨河父老拜前津尚歌  
來暮始逢春聞道南陽饑饉後可能重開  
耦耕人

醉歌行爲賈梅聖題

平千十月行春令爲叩詞人賈如聘遂教  
瀹酒小槽頭侍兒照出紅鸞鏡縱飲淹留  
十日期更拉吾徒一醉之莊有蓮花思避  
世家聯寶樹可棲枝聞鷄叫舞婆娑向君

感慨一悲歌君才倚馬應須達我老雕蟲  
奈若何我知君意氣君惜我蹉跎幾迴聚  
散變星河今日逢君誇敵帚陳言一日成  
爲狗眼前作者徒紛紛畢竟賈生垂不朽  
公子行爲盧十三適之題

少年信美盧公子任俠風高河朔起駿馬  
貂裘意氣雄千金一擲輕彈指十二紅粧  
爭取憐行雲行雨知誰是逢場作戲選歌

見命酒雜牛讌知已片山勺水卽登臨  
夕花朝更徙倚有時客散管絃停閉戶焚  
香惟讀史何來載筆大如椽  
挾藻龍蛇驚在紙可知公子復能文  
豈直流連醉羅綺我今行年六十餘  
狂奴故態亦已矣公子憐才數見過  
留飲壯心猶不死燕趙遺風久寂寥  
慷慨悲歌尚在爾我今與爾定交情  
毀譽何勞生愠喜相逢有酒且高歌  
若見河清誰可俟

援遼行

援遼行感慨生歲時催餉朝夕徵兵憶昔  
三三侵漢壘豈料一過遼水自從見殺  
張將軍漢軍壯氣隨風靡撫遼再起揚中  
丞廟筭功名難底止曾驅四路進兵攻一  
路驚回三路死大將無人敢裹屍鼎足英  
雄亦已矣待御熊公獨請纓共推經畧鎮

長城幾調官軍援遼在軍官次第戒嚴程  
却恠強兵來自秦如狼如虎氣衝人弓刀  
在手各排門怒顏叱咤索鷄豚匹馬斗粟  
芻三束更需美酒方開尊可憐一過領家  
計况來絡繹如雲屯又聞選兵在畿輔有  
官且暮臨吾土健兒夜半走他鄉抵牾老  
翁淚如雨我今髮白久龍鍾始見頻年惟  
用武援遼未捷此逃亡以後聞鷄誰起舞

過漪樓賦得並蒂蓮花詩奉贈郡伯

張公

君不見兩岐麥秀漁陽郡千載張堪垂譽  
聞君侯繼世出西陵官守平千歌解愠露  
冕行春儼若仙山川草木盡爭妍負郭水  
連千頃地繞城香起一池蓮昔年熊軾初  
臨此齒蒼新紅雙出葉今歲驅車過野亭  
芰荷再報生連理紫葍朱儀闔台容黃螺

翠蒂凌芳芷一莖兩萼向樓臺並蒂齊  
隨劔履桃葉桃根不放歌湘江湘女羞臨  
水小魚游泳戲葳蕤五馬蹠蹠醉徒倚廉  
靈雨過捲明珠迤邐人看成曉市後先佳  
瑞屬諸侯次第錦雲連十里又不見太華  
峯天險山高幾萬重浪傳玉井出芙蓉豈  
似池蓮合祔紅君侯樂此與民同卽今德  
政感花叢定有玉露金莖賜漢宮

馬仲良計部投詩見贈次韻奉答時

仲良量移秣陵兼此送別

掄材今代其誰者難弟難兄在新野承家  
門第擬登龍繼世才華笑倚馬五嶽名山  
藉寵靈千秋大業歸騷雅北堂萱草近蓬  
萊西園寶樹連梧櫨門客羞誇玳瑁簪香  
臺喜結蓮花社分曹國計入姑蘇蜚芻挽  
粟金閭下詎知朝市竟紛紛鼓瑟吹竽混

真假量移京兆判南都六代流光仍艷冶  
名重題輿星在彛風高解佩刀盈把行旌  
定指鳳凰臺故宮不辨鴛鴦瓦望羣一顧  
馬俱空擊楫長江濤盡瀉雲錦應留十二  
閑雨花豈是尋常灑桃葉飄零古渡頭好  
歌猶在秦淮也君過秦淮寄我聲歌殘媿  
我衰顏赭君今此去足壯遊臨岐須醉黃  
流箏浮雲飛盡見長安金陵王氣從容寫

謁光武祠呈司達支縣長

君不見光武昔日騎牛走年少雄圖在九  
有自從得馬戰中原俯視中原亦反手赤  
眉青犢盡銷魂王郎王莽俱崩首帝業出  
河都洛陽千秋帶礪河山久詎意千秋一  
瞬過白水真人今在否獨有荒祠畫掩門  
寒風吹斷踈櫺牖文剝落注蝸涎龍袞  
蕭條挂鼠婦歲久無人見客星夕陽此地

惟衰柳我來弔古對誰言新野君侯爲故  
友君侯慷慨重憐才開尊且醉尊前酒

登漢議事臺

高臺議事誰爲者蜀帝屯兵牧新野殷勤  
訪士草萊間曾向襄陽問司馬徐庶圖王  
薦孔明卧龍遂起南陽下人事其如天定  
何乾坤鼎足分西夏可憐回首漢臺空惟  
有柱宇年年憶蜀中

於葉縣留別馬毅許

昆陽一夕涼生早白露空庭初濺草時序  
偏驚促織鳴秋聲旅客縈懷抱使君雅誼  
重交遊投轄開尊論舊好尊前授我紫綃  
衣舞袖卽當花下掃東方日出唱驪駒兩  
河迢遞一身孤飛蝗千里惟憂歲敢云調  
笑酒家胡又不見兵戈滿眼載長途我今  
浪跡胡爲乎臨岐洒淚別雙鳧前路如君

更有無

過女郎墓

墓在章丘乃夏章亥之三女也俱矢不嫁遂爲女郎

昔年曾望女郎山今歲來過女郎墓山前  
零落女郎家墓上摧殘女郎樹一行姊妹  
不知春行人猶自傷春暮繡水潄浹咽不  
流魚龍日夜滯汀洲臨風欲作招魂賦楊  
花滿地正夷猶魂兮有靈今在否我欲相  
期汗漫遊

恩州吟

王父一官臨此土記我從之年十五城中  
車馬總如雲甲第紛紛時接武我今重來  
鬢欲蒼一時冠蓋俱成古官衙赤日亦寥  
寥白飯青芻誰是主獨有蜿蜒老樹枝年  
年祇自傷風雨

俠客行爲李疑道賦

翩翩俠氣五陵豪珠履雕弓錦繡袍生來

秦國中丞府十歲譚兵學六韜十五還鄉  
力如虎鬪鷄走狗縣霜刃義孚敢死邯鄲  
士悲歌叱咤天風號只今年纔二十一能  
文却夢花生筆風流岸幘過平康紅粉爭  
妍彈寶瑟尊前一笑擲黃金纏頭不待歌  
聲畢牛飲縱橫白眼開俯視乾坤小如虱  
有時行樂在擣蒲縱博傾囊不計無有時  
報怨在睚眦誰敢捫視復躊躇新買追風

汗血駒腰間帶繫金僕姑欲馳遼海一  
嗚呼嗟公子少年眞丈夫

相逢行賦贈魏大中丞

君家籍籍舊知名相逢難弟復難兄一代  
龍門垂世業千秋牛耳執詞盟君今仗鉞  
臨全晉轅門侍從懷金印封奏巖廊八  
座驚聲聞鎖鑰三關鎮幾年官舍憶庭園  
十疏陳情未得歸待命并州久索居



在虛堂澹毀譽鄙城趙吏部蒲城李尚書  
二公往往寄雙魚加餐兩地慰躊躇我今  
款履過山西千村雪漲何凄迷更有夾岸  
溝斷橋崩石欹斜鳥道之盤蹊勞我間  
關筆下題栢臺森森雲與齊何期借我一  
夜棲山河頓異歲杪兮愁聽邊城烏夜啼  
承旋命襄陵酒慷慨悲歌重搔首戍樓  
月照甍能將軍號今鳴刁斗銀燈在筵  
金尊在手乾坤莽莽吾何有平生幾處得  
開顏萬里今年逢咲口

憶昔行送趙季兆職方謫尉奇嵐

使君昔抵賀蘭山三千鳥道何間關血漂  
戰骨人驚過月落沙場鬼哭還陰風號烈  
愁雲起冷雨淋漓夜不止叛兒尚據朔方  
城官軍半爲攻城死胡馬乘機十萬來咆  
哮聲撼中原壘靈武糧空路亦屯嗷嗷引

頸城頭俟詎意生還七尺軀一官牢落尚  
如此歎段蕭蕭入岢嵐蒼狗浮雲不可譚  
陰山六月行人寒依舊黃塵客路難可憐  
丈夫合偃蹇且歌金縷盡君歡君不見仙  
人梅福尉南昌至今牛斗借龍光

趙大郎歌

君不見寶劔當年出豫章誰能淹沒雙龍  
光爾家是父仍是子燁燁英華亦如此爾

今年少便空群霜蹄蹀躞真千里綵筆新  
成玉珮詞白鴛鴦識黃庭紙壯懷擊楫向  
中原磊落敢當天下士如何家無擔石儲  
空餘長鋏懶歌魚如何容膝惟遠廬竟日  
關門只讀書憐爾飢饉能安貧羞煞鍾鳴  
漏盡人等閑買醉高陽酒雙開白眼看紅  
塵爾舞婆娑我楚謳豈真浪跡寄鱗游爾  
能掉臂凌霄漢我亦乘槎問斗牛

臨洛故園行

故園昔日全盛時，琪花珍種何離離。遊人  
絡繹屯車馬，琵琶聲響行雲遲。阿翁好客  
酒如澠，殺羊夜譙張華燈。曲檻方池照羅  
綺，坐客當年擬五陵。却惟黃金盡，何早故  
園一旦惟荒草。歌舞凋零客不來，饑寒歲  
月人空老。賣與隣家烏夜啼，猶嫌池口土  
平。齊華燈羅綺俱成燼，曲檻繁華已作畦。  
吁嗟興廢從今古，何須此地獨悽悽。君不  
見臺九層竹千畝，一時勝蹟終烏有。但得  
青山可乞靈，任爾白衣變化成蒼狗。

以詩代書寄贈馬良伯

公子雄才復少年，塵埃物色儼神仙。揮毫  
立就凌雲賦，論交不惜買山錢。昔年送我  
西橋上岸幘，垂楊臨瀆灌漈醉餘白眼望中  
原。悲歌感慨憐吾黨，別來兩度落春紅。

院芳菲恨不同  
矯首青天空  
悵望浮雲流  
水自西東  
聞道平康徵燕喜  
寄語加餐書  
一紙倘對紅妝憶  
故人龍光夜合漳河水

放歌行贈大梁張子襄

君不見梁園雨雪相如賦  
授簡才華稱獨步  
君今弱冠卽掄材  
鸚薦秋雲先得路  
金門待詔對公車  
彩筆齊名列武庫  
觸目琳琅燦日星  
驚人咳唾生風雨  
君家澤衍上

林春不累塵寰十二  
因奕世圖書千萬卷  
先朝甲第兩三人  
香來錦砌花初放  
曲度銀屏月正新  
揮金如土時然諾  
命酒如澠  
燕賓昔年燈夕共論文  
張氏林宗孫子  
馨今年秋日我停雲  
感慨憂時復見君  
人生遠聚何能久  
相逢且莫相分首  
况今山海不通關  
昔日英雄今在否  
遠道聞君欲請纓  
將軍金印空如斗  
勒石燕然事可期

爭名蝸角終何有，倚劍君看起陸離。  
撫膺我媿甘株守，又不見梁苑名姬。  
李二雪好文好道，孤標潔閉門，懶自傳鉛華爲容。祇爲張生悅我，嗟垂老客夷門，幾向君言君擊節。我今爲君作長歌，歌罷冷然嚼壺缺。臨風寄與雪兒知，黃金散盡猶存舌。相過若肯奏琵琶，青衫淚濕應成血。臨河一嘯起，秋聲地迥天高，惆悵別。

獨坐

人事經年絕柴門，盡日關貧來無長物。  
老去有衰顏，尚覺妻孥累空憐。歲月還故交，多偃蹇誰爲買青山。

留別趙夢白郭華伯二先生

歌盡人難別，菟銷客乍分。路迷三尺雪，家隔幾重雲。  
冰合狐將渡，林踈鳥不羣。歲荒行旅少，回首可堪聞。

村居奉懷駕部胡公職方劉公

落魄防時態悲歌感舊恩風雲千里夢  
饑饉一家村賣賦金都盡談兵舌上存  
無因陪笑語有虱不知捫

冬夜留別李大司馬

香盡寒餘候鍾殘夜未明嚴城官尚閉  
古道客將行穴鼠窺燈影封狐聽水聲  
著書還入趙不分老虞卿

登說法臺

臺隸成安一里許相傳  
二祖慧可說法於此

僧自何年去臺因說法存憑虛思往事  
弔古問空門草暗傳衣地煙銷乞食村  
不知龍聽否花雨尚翻盆

新泰道中

雨斷山橋石雲蒸野渡人孤身愁涉險  
遠道况多辛樹老根盤路村荒舍不隣  
忽聞黃鳥語尚隔嶺頭春

過趙莊吳宰相墳

宰相有佳城碑殘不辨名烟雲隨我弔翁  
仲閱人更岡斷牛難卧松枯鶴尚鳴一杯  
前代土幾慨黍離生

過古塚

在臨洛之西一里許二塚相連俗呼爲二妹塚

二妹何方氏羣蒿幾代丘鉛華風土化香  
氣夜臺收有窟堪藏兔無林亦放牛芒  
久矣斷雲雨爲誰留

寄懷劉職方文孚

離思閒方切交情老始知春風經兩歲塵  
世感多時鴻鴈新傳帛鷓鴣久望枝分來  
燈下蠟早晚尚支饑

李直指純之先生按秦過里作此寄

懷

驄馬初過里秋鴻正作賓風霜餘灞水時  
序感王臣殘夢雲將久空梁月度新陽春

知和寡不肯寄巴人

於漆園李侍御純之席上留別穆中

秘仲俗時仲裕亦有都門之行

爾方傳夙駕我已戒嚴程  
豸史分來酒驪歌別後情  
荒村留客嬾野水渡人驚  
回首長安望能無念友生

奉送別駕王公歸里兼呈郡伯劉公

事多巫鼓令人按劍看  
一行堪作吏不

分遂辭官露冕歸  
猶服霜刀佩  
前寒依劉應感世痛哭可彈冠

歷下同劉五雲薛少源趙含江飲

突泉亭分得雲字

三窟泉聲出孤亭  
野色分浪花  
終歲噴露酒此時醺  
山近臺銷暑  
天低水度雲  
誰知城市下車馬不相聞

送彭興祖還吳兼訊王百谷



此日辭吾土臨風戀爾行聞歌難以別對  
酒若爲情匹馬吳門去雙魚震澤烹年來  
誰結襪幾許憶王生

歲莫感懷呈冀肖甫

落落今何適蕭蕭歲欲闌逢人多設險行  
路久知難酒有頻年債家無隔宿餐寒鴉  
終夜望不寐幾時安

送李凝道避難武安時寓冀侍御兼

寄呈覽二首

北鄙寧爰處西方且寓居草花留故宅鷄  
犬戀行車假寐薪堪卧傳餐手可据家園  
吾亦厭不爲食無魚  
世事余難料人情爾若何忽傳依豸史遽  
忍聽驪歌避難家全去移裝路幾過臺前  
無限栢棲鳥莫嫌多

同冀繼父肖父謝于楚高子薦再遊

桃源寺即事

法相猶然在吾生可息機老僧多感別馴  
鳥半相依地凍花開晚山陰翠較微避秦  
人已去流水尚東歸

寓魏顯伯太史賦贈

無家歸趙國有難避蕤城敢望沾今爾翻  
憐問舊盟坐分鸞掖貴愁對鳳毛輕十日  
淹留飲關心戀此情

飲張聖標醉瀑亭

水聲喧瀑布山色散晴嵐鳥道難通谷龍  
潛或在潭野亭秋更爽濁酒夜猶酣欲問  
人間事其如七不堪

洛城晚眺同李露丙博戊伯仲賦

極目長天外孤城返照中山原生薄霧草  
樹起涼風市罷人聲歇雲歸鴈影空壯心  
今不死羞見泣途窮

章丘道中遲董見心丈

潦水全平踏深山幾見村  
測溪人始涉向晚客方  
殮有夢還鄉井無因至  
縣門停雲多悵望野曠  
立銷魂

中秋無月同宋眉芝保嬰都門分賦  
月華天外度松氣薄簾帷縱有明年約猶  
思昨夜輝更殘仍對酒寒近尚無衣佳節  
成蕭瑟鄉心逐鴈飛

送黃叔相代巡江址

仗節分天使行行出漢宮  
碧山驚觸豕金斗避乘驄  
日夜江河變東南杼柚空  
君門萬里遠持此報觀風

送楊嘉芳巡檢膠州兼呈登州冀繼父司理

抱關之海上載酒送城東  
微祿何時食長途盡日窮  
民家官作舍候館客來空  
若

蓬萊閣慙勤奏爾公

秋夜登交州城樓有懷石伯成郡伯  
潦倒拋長鉞，澗關尚遠遊。異鄉今夜酒，此地幾時樓。  
人靜蟄呼月，夫空鴈度秋。良哉二千石，不見轉夷猶。

寄贈江汝成兵曹謫判葭州

虎變傳都試，龍韜自職方。如何才見妬，遂爾跡投荒。  
遠道霜侵早，空庭夜度長。陸沉入易老，誰肯惜馮唐。

柬衛調玉孝廉兼寄郭重明比部

慷慨存吾黨，風塵見汝遲。頻年初對酒，昨夜幾賡詩。  
惜別思今雨，論交感舊時。鷓鴣鳴曠野，敢望上林枝。

孟漢殿下雨中招同孟伯章別駕樊

郢白徵君飲，暎帶亭時值水勢。

澍雨行南郭，奔流撼此亭。雲垂衣帶濕，魚

湧浪花腥滿坐俱浮白千林幾送青登臨  
聊爾適吾意亦忘形

消甫生孫

寶樹何年起孫枝應世生一經繩祖武  
石振家聲傳笏人無斃分甘汝見精山靈  
文獻地王國幾蜚英

寄贈吳夷甫

涉世澹於水貽情安所居無錢歸失  
劍不歌魚花滿焚香院雲深搗藥廬傳聞  
遇仙子九轉竟何如

哭徐公

有引

徐公者南昌德茂先生也丞廣平郡  
三年白子稱知遇焉公不幸扶母喪  
涉淮無何亦死舟中白子感舊賦詩  
不覺涕之無從也時歲在甲辰或者  
龍蛇之應乎

世路誰知己吾君獨可親如何千里外  
作九原人白骨無安葬黃河有斷津向來  
禮事回首已成塵

母死扶喪去行行亦斷魂二靈千里寄一  
舸幾人存此日歌蒿里何年到墓門悽涼  
天地閉老淚不堪吞

一死歸何處繁冤尚未知訃音來昨日疑  
問已多時故里松風泣荒墳殘露垂平干

無限恨墮淚起新碑

言想三年後仍期佐政平竟成千古客未  
報此生情扼腕傷時態尋書感舊盟自從  
龍劍失牛斗暗豐城

父老追亡日龍蛇應夢年去程無一半歸  
路尚三千母子板同載妻孥淚共牽大江  
風浪險曾否到新阡

旅櫬收孀婦歸帆引穉兒人言猶未信天

道果無知淚望邳州下  
魂從滏水離感恩  
期遠送貧也詎能之

鄉國猶能到君身竟不還  
一家貧病裏萬  
恨死生間笛韻飄鷓澤  
春聲歇兎山招魂  
汜水上嗚咽不潺湲

徐穉今捐館萱花昔已飛  
隔年人共逝千  
載鶴同歸曾許兒完娶  
寧堪露即晞不知  
桑梓處田宅具足還非

宋侍御挽詩

食客經時散彈冠一旦虛  
家無留跡粟  
有諫言書綵筆今傳子  
青芻久慨余向  
丹亦就物化已還初

哭張叔廣刺史

灑灑傳生死溘沓且信疑  
昨宵感我夢  
日哭君詩物化猿聲斷  
樓空藁影移人  
正  
眞薤露擾擾一何爲

刺史爲遷客參軍度遠方  
襦猶歌礪阜劍已挂瞿塘  
戰士寒生粟明旌夜捲霜  
誰知歸葬日萱草尚垂堂

所親呼不起吾道竟何依  
徃哲名猶在前期事已違  
川江驚旅櫬楚水落春暉  
有子能傳業如何客盡非

林縣李鵬翼明府招同張聖標金吾

李伯實李實戍才遊黃華山懷古

分得門字

石磴留人憇松蘿待我捫草平  
玉母蹟前控魯班門隔院聞僧磬  
懸泉瀝獸尊前朝霸業盡遺址亦空存

問漁

此世非秦政何時有漢槎  
不知今日水流盡幾年華  
舉網曾分月垂竿或釣霞  
五陵車馬斷魚可市誰家



登禮賢臺

臺乃段干木故里  
魏文侯式廬處

禮賢人已去仍有禮賢臺廬廢誰從式  
垣摧客尚來秋聲漳水咽寒氣魏城廻  
往哲空陳跡登臨重所哀

過圓照寺贈源上人

古渡寒裳至逢僧錫杖還憐而登彼岸偕  
我度迷關鐵限工書久珠林說法媚楊枝  
春正發不許野狐禪

太原除文

逆旅屠蘓嬾不巡漂零自嘆隔年身河山  
有夢分今夕兒女思歸料遠人往事忽成  
燈下燼平明羞見客中春坐來香火銷顏  
色病骨寒烟影獨親

太原春日寄懷趙季兆職方謫尉崑

嵐

崑嵐天盡是黃河遷客樓遲感慨多芳華

幾生狐塞上浮雲猶在鳳城阿關山片月  
逢春晚驛路踈梅帶夢過匹馬傳臨文水  
縣相憐只尺柰人何

李制府于田先生起家西蜀

時播  
獵

萬里妖氛撼錦城一時九命借西征車  
臨棧道雲開色旗捲巴山夜作聲虎旅直  
衝羗域壘龍韜先震播人兵出師定奏鐃  
歌曲不向書生問請纓

建牙巫峽俯嶙峋殺氣蕭蕭墮叛臣已有  
三千譚劍客敢當十九與盟人眉山烽息  
寒凝雪瀟水鞭殘晚渡春蜀道不難親舍  
遠功成莫計畫麒麟

太原春日留別魏大中丞

八首

黃河水斷瀉春濤遊子思家望大刀誰向  
草萊陳醴酒君從風雪解絺袍雲移半嶺  
千山出人宿孤村片月高強趙至今餘感

慨歸來吾鬢已蕭搔

唱徹驪駒日未明蕭蕭行李戒嚴程  
當亭對酒虹垂影過寺談經鳥解聲  
山控斧陸猶設險水來沙漠不知名  
踉蹌又下關門道羞見將軍說請纓

合駕塩車老太行長鳴猶自識孫陽  
如何挾纊翻愁病無奈臨臺又望鄉  
曉夢雲將關口過春花風度嶺頭香  
三秋零落平原

酒何處逢人典鷓鴣

關河迢遞晉疆分戍鼓依然不可聞  
花照甃旃前夜色香銷醺醺幾時醺  
冥鴻影盡中條月羸馬聲嘶大陸雲  
龍劍一時驚乍別滿天風雨悵離羣

春前相見一何遲春後相憐又別離  
此去登樓休問賦向來授簡已成詩  
岢嵐夜雨聲歸夢楊柳天風影落巵  
九折太行重躡

踏不堪回首益凄其

東風搖落泛來槎歲事侵尋感物華鴻鴈  
又回仍作客鯉魚不到幾思家春晴翠拾  
紅亭草日暮霜飛寶劍花傳道太玄經已  
著可能一字授侯芭

烏道間關西復東倦遊且喜伴春風河橋  
酒色今何綠官署燈花夜尚紅薜荔自能  
留去馬雲霓誰遣送歸鴻知君已起平津

閣肯使書生泣路窮

莫怪相離老淚吞始知惟別總銷魂亂山  
雪後人千里短髮燈前酒一尊殘夢尚驚  
熊在軾歸心猶記鴈過門故園若問西來  
事腸斷并州未報恩

同冀肖父李玄緯陳景盤題定西巖

寺院次謝茂秦壁間韻

山控禪房晝掩扉香銷經卷客來稀雲開

孤刹收殘雨。天隔巉巖澹。落暉寶磬聲連。  
空谷響松花影。帶慧泉飛探碑。欲問當年  
偈。萬壑僧扶一杖歸。

同張平仲楊茂弘陳東正訪尼法住  
不遇分得衣字

次寥小院白雲飛。草徑踈鐘鳥雀稀。我已  
西來無色相。爾今何處有皈依。寶旛刺繡  
紅初落。貝葉書經墨未晞。慧質一方勞受  
想天花誰散五銖衣。

傅伯俊學憲留飲話舊即席言別  
一別銷魂十二年。蒙戎裘敝不堪憐。金臺  
已散當時社。白首猶登此夜筵。多病故人  
逢難後。傷心往事訴燈前。幸明又向聊城  
去。何處封書問魯連。

奉送李問卿純之先生奉使秣陵  
執法久題青橐。奏承恩新領紫泥封。三

千客路猶驚豸十二天閑已秦龍正氣晴  
看分旖旎大江秋渡採芙蓉擁屋不買鱗  
騮骨只合黃金奉 九重

奉贈安陽吳子得先生

風霜舊入當朝疏海岳今傳命世文熊罴  
滇南曾作軾馬看冀北已空羣十千酒醉  
詞林客一片花分翰藻雲莫以墻東成隱  
計天留碣石待華勛

靈武道中卽事

長風驅馬入平沙殺氣蕭蕭墮鬢華虜去  
尚遺千萬竈人來祇見兩三家狼煙銷壘  
黃雲起鳥道盤溝白骨斜拊拊感時惟有  
淚山頭空老野棠花

武定秋日郭重明憲伯過訪禪林偕  
禮大士因檢楞嚴諸經賦此紀事

今生蚤已識前因遂向諸天問法輪香散

大千成寶地雲開丈六見金身殘經何代  
僧留壁古塔高秋鴈作賓乍對宰官無望  
礙不知從此渡迷津

六月十三日謁禮龍神喜雨有作

雷電長空乍有無迎神旌節出闔闈九天  
命駕龍行雨尺地臨河馬負圖告廟我來  
歌享祀援遼人去喜樵蘇山城四野將安  
宅却憶流亾尚在途

贈王獻夫

有別

獻夫登州人蚤歲明經倅車淮海無  
何不樂仕進遂僦居維揚矣其子翼  
之茂才自齊如吳趨庭言省獻夫乃  
携過洛州久遲故人不至余惜跋涉  
之間關感歲時之饑饉因賦詩以贈  
談天咳唾摠珠璣真氣東南識者稀洛水  
歌魚何日至揚州跨鶴幾時歸年荒共斷

清明酒春老誰裁白紵衣橋梓遠來依少  
府爲言滿路正號饑

春日同別駕孟公職方李公遊泉亭

寺次韻

業障蹉跎老此生何期今至化人城臨池  
定水魚遊動過嶺慈雲鳥帶橫大地聲傳  
僧磬響諸天影借佛燈明自從蒲塞參禪  
後覺路先開第一程

辛酉清明日司達支明府招同李念  
先刺史陶大用郡守馬時良太史  
馬仲良計部張忠鼎邑侯曹在魯  
進士李就實孝廉張起望保御彭  
興祖張伯頰徵君讌飲堰上時堰  
築落成賦此紀之

露冕荷衣共一筵臨流遠眺俯晴川築堤  
萬道分成堰疏水千渠引入田寒食乍逢



楊柳下春醪已醉杏花前祇今樂利民  
味得挹雙鳧卽是仙

新野春日馬時良仲良招飲聊園分

得形字

春在聊園好踏青主人折節遂忘形繞堤  
草色分爲砌隔路桃花解作屏歌近高樓  
風度曲坐移中院月當庭始知今夜龍光  
合客散猶然見聚星

登秋樸堡樓

雲散高樓透晚風孤城百雉起龍旋防秋  
烽火年來息入夜金銀氣已空草澤人家  
分晉趙河山天險自西東殊方投老仍歸  
思不信音書可寄鴻

秋夜獨坐懷邢州傅四元隸曲梁張

大勉庸

烟雲歸鳥入黃昏落木蕭蕭蚤閉門

深更愁對酒故人殘夢幾銷魂香空在正  
寒孤榻蛩響疏畦過短短別後長卿猶病  
渴不堪憔悴卧文園

同陳葵卿登靈州城樓

大漠狼煙晚不收邊城四望正  
夷猶風前白草嘶胡馬天外黃河接  
戍樓虎旅總依山峽口梟雄誰飲月  
支頭憑闌感事心傷折豈爲鄉關動客愁

送董汝登參軍豫章

漳水相逢已恨遲漳河相送可能離  
携家此去應千里命酒重來是幾時  
匹馬漸嘶都尉府雙龍遠控大江師  
登臨定賦滕王閣鴈過霞天好寄詩

至日懷叔廣

一線長天挂夕曛不堪此日嘆離羣  
客中憔悴難吹律臺上荒涼但過雲  
望斷素書

驚鴈影夢回寶劍動龍文閉關無復行商  
旅何處逢人問使君

魏封君挽詞

繁水陰陰咽暮濤騎箕人去解天弢  
秋生九畹新滋草雲冷三秦舊佩刀  
河朔今無龍馬跡家庭時有鳳凰毛  
玉魚定許蒙恩葬白日春風起墓蒿

觀流移呈邑侯耿公

禾稼凋殘雨未期一時饑饉半流移  
思家有夢驚蝴蝶寄食無人爨廢庖  
漂泊秋隨雲聚散間關應共鳥差池  
秋來我亦生行色親老其能遠別離

鄧遠遊明府携尊過訪南寺

搖落來叅十二因上方忽現宰官身  
簿書乞暇能留客酒禮從寬不禁人  
水帶楓林流夜月天晴花雨度陽春  
何期往日依依

地更挹雙鳧散六塵

再過黃池鄧明府  
極歡衙齋同司達  
支戚不磷分賦

烏下閑庭晝掩扉  
相逢重喜不相違  
桃花隔歲仍爲縣  
荷葉經秋尚製衣  
坐待月明更欲盡  
燒殘燭影醉忘歸  
天風舊識吹虛早  
東閣雲開起少微

奉贈東阿于閣老起家還朝

兩朝師範推元老  
一代人文屬上公  
抗疏早陳周大禮  
秉鈞今召漢都宮  
于門世澤頻迴馬  
魯國家聲欲得雄  
黃石不勞書再授  
治平宰相起山東

寄贈曲梁高邑侯荻之

露浥桃花滿縣春  
山東英妙此垂紳  
得魚漳水常懸署  
見雉桑林不避人  
三載今承元后命  
千家舊識宰官身  
登臨新起潯查

閣可向風塵望酒民

甲辰十月都門遇陳唐卿太史時太史誕辰而余將南歸

三千里外曾同客十五年來又見君吳苑  
鶯花懷往事燕臺風雪話離羣侍臣久待  
金門詔游子今探玉笈文爲問蓬萊清淺  
水驪駒忍帶歲寒雲

同張聖標梁含二登真定大悲閣分

得枝字呈郡伯秦公

風塵蒼莽病支離敢向諸天禮大悲有髮  
此身終是幻無家於世竟何之河隰彼岸  
光分早山隔迷方翠度遲極目中原多兵  
候巢林越鳥乞南枝

送冀繼甫使君之遼東

感時舊有籌邊計受命今爲出塞行海傷  
關山潮劍珮雲依碣石度干旌措刑夜注

冤消兩按堵春溫戰後兵兄弟中原排國  
難登壇遲爾一東征

奉送參司勳上愚子假還楚

香含鷄舌領天曹  
誓乞綸恩醉漢臯  
千里關河初過鴈  
一尊風雨幾持螯  
自吞雲夢行將近  
誰識陽春調  
轉高綵筆莫臨江  
水注題才次第望山濤

上成臯王

河山帶礪念中土  
詞賦大華起建安  
爵受王封猶下士  
才當天縱已登壇  
臨流夜醉三臺月  
卜築今滋九畹蘭  
自愧瑟工甘棄置  
雄風幾望鼓泥蟠

送闔汝用博士之大梁兼寄王損仲

職方

卿雲芳草送公車  
綵筆携來五色餘  
函丈開春敷庶士  
省郎抗節薄尚書  
家山命酒

人歸後風雨傳經客到初定見梁王同接  
簡賦成早晚寄雙魚

送李司勳若蒙之都門

大河流水送飛鴻千里題才如漢宮過雨  
早分山色翠披雲時度野花紅龍門人樹  
中原望牛斗槎乘八月風莫怪長安多磨  
事選曹今已屬山公

送姚百姓還閩兼寄游元封薛景登

白頭相惜豈新知恐向星橋遂遠離多難  
幾迴傷往事交親萬里定前期春暉肯斷  
機中素客夢翻驚白裏炊閩海故人如有  
問月明終夜望南枝

傷韓四

正擬遼東傳露布豈知塞北竟招魂請纓  
自奮志褻革誰憐報國恩劍有龍泉  
兒解舞樓成蕤子妾空存兵銷戰骨家多

難白日何年照墓門

送梅公岑藩參西蜀使道過里

紫微花映錦官城且寄諸侯吏隱情家過  
楚陽歌郢調車臨川上聽江聲弟兄詞賦  
中朝望岳牧旌旗萬里行諭蜀正當平播  
後檄文寧肯示書生

奉送李少保于田先生總戎還朝

四首

漲天秋水馬嘶空麟閣恭看第一功八座

上卿歸少保九邊猛士領元戎封疆昔廣  
中原土詞賦今當大國風又自尚方傳賜  
劍肯容望氣說雌雄

一代掄材總不羣風高細柳度前軍經綸  
幾抗回天疏金石全垂命世文恩蔭已沾  
都尉寵孝思猶望太行雲報功未盡西征  
畧豈爲還朝說懋勛

仙槎八月度王臣十丈金莖梔露新宰相



會推司馬氏 朝廷獨憶卧龍人  
賜來用第開公府望去橐鞬  
靖虜塵記室定歸去下士不知時  
務向誰陳談笑雍容帥六師  
雲開三十二旌旗聲傳大漠烽烟斷  
名在長城草木知尚想登壇陳禮樂  
正稱治水賴胼胝即今事業關天地  
不信封侯又待時

送宋道亨司徒分署德州

春風畫省度支郎 簡命新承入汶陽  
望去鳳毛俱動色賜來鷄舌尚餘香  
行舟月滿齊封國積粟雲連漢故倉  
見說東南民力竭可能抗疏奏 明堂

贈張大鼎博士

豪氣元龍尚未除何來山鳥逐脚魚  
花從滇水時生筆人自韓陵日著書  
薦剡早逢周柱史傳經久待漢公車  
金臺已向長安

起回首燕雲好定居

送李葆嬰司理池陽

千秋詞賦一登壇  
今向池陽領漢官  
客路雨催黃葉響  
訟庭風度白雲寒  
山當形勝常臨坐  
人以勸勦或廢餐  
南北掄材推伯仲  
龍門次第好彈冠

送張元漢司徒之關中

鴈行天上又鳴珂  
二月三秦奉使過  
函谷

風高瞻紫氣  
王程水斷渡黃河  
邊城轉餉猿窺食  
山館題詩鳥解歌  
國計漸空猶互市  
金縢莫向虜人和

賦贈南子興太史兼此寄懷

青箱奕世傳  
秦國絲竿十杖橫  
漢宮別後金莖多賜露  
向來藜杖幾燃紅  
人龍自是中朝相  
牛馬都知太史公  
可惜楊雄今老大  
吹噓敢望賦河東

大梁冬日留別李中丞純之先生

唱徹驪駒感慨興黃河十月欲成冰豈因  
免先驪梁孝轉向龍門別李膺客路定憐  
薪是挂官衙猶記酒如澆天風一望平  
遠東閣明年可再登

棲枝幕下賦河東遂有新恩出上公置驛  
不妨前路雪解衣直見古人風歸來囊貯  
千秋業老去家圖一畝宮他日夷門如吊

古行行仍對五花驄

岳一愚郡伯招飲晝錦堂即席賦

堂廼韓魏公故園

命世雄才代有聞乍於鄴水一沾醺虛堂  
坐歇來時兩雅調歌殘不夜雲氣合雙龍  
偏顧影惟騰五馬亦鳴羣却憐相國空陳  
跡振古于今望使君

鷓適園山亭爲伯榮宗正題

別宮移石登爲山，雖設朱門竟不關。  
花繞高亭盤曲裏，雲生小洞有無間。  
魚知滸水時來戲，鳥解譚經夜未還。  
久識淮南招隱士，新枝叢桂許誰攀。

上巳後一日賦贈開府李公

春風宛在永和年，坐鎮高高吏欲仙。  
柏府瞻天惟尺五，桃花經歲已三千。  
加餐詔賜金莖露，寡和詩推綠雨編。  
多少稱觥門下

王可能取次商鈔宣

過轅轅關

穿雲宛轉徑微茫，二室門開萬仞岡。  
遠帶河流歸禹貢，平臨天險壯周疆。  
朝來雨過山原翠，秋盡風高木葉黃。  
却憶前朝遊幸事，臺輿蹤跡久荒涼。

登太室山

一嘯天風氣自豪，雲連二十四峰高。  
名傳

玉壁收靈府乍見黃河捲暮濤開講猶來  
龍聽法昇仙人去鶴鳴皋因思武帝山呼  
後懷古登封首重搔

登少室山

西嶺秋高度鴈羣藥堂有草帶晴曛四株  
貝葉峰頭落九頂蓮花石上分參駕昔因  
封嶽至來仙今自採英聞縈迴十八俱成  
疊獨覽青天散白雲

奉送郭太史蘇門使還之京

萋草離離入秀初五雲遠接使君車函分  
剪葉歸來命囊貯燃藜校後書燕市漸聞  
嘶駿馬漢宮久待挂金魚過逢家慶還朝  
早筆上新花注起居

送別張起望御醫之兗州兼寄郡司

馬白公

柳絮褰裳飲上池聊園相聚又相離成仙

不採山中藥壽國羞爲帶下醫東道花明  
皆故境南樓月滿是歸期臨風寄語白首  
馬每至停雲重我思

遊盧巖寺

寺在嵩山昔唐諫議盧鴻  
一隱居於此遂名盧巖

躡石欹危小徑蒼門餘萋草間踈篁山頭  
水下全飛瀑洞口花深遠度香勝地曾聞  
開講席諸天今到禮空王不知諫議何年  
去一變盧巖是上方



哭馬易徵大行

論交三十載意氣合詞場城郭猶然是人  
琴倏忽忘立朝曾典客奉母許還鄉天遠  
金莖露秋繁玉樹霜巷空詩社廢山隔酒  
壚荒龍畫何年壁鷺籠往日堂登臨徒有  
約卜築尚無墻仙鶴今來弔禪龕夜現光  
客從捐館散羅向閉門張採菊籬空掩滋  
蘭畹自香家仍餘劍履子已憂琳瑯馬引



歸人室牛眠丘土岡斷雲依宿草殘月挂  
空梁此世真寥廓浮生信渺茫寸心千結  
轆一日九迴腸痛恨何能起蕭蕭對白楊

李太夫人挽詩

三遷始見尚書履一夕翻沉寶婺星祇向  
北堂歌薤露寧知南岳寄仙靈束芻半捲  
黃河月執紼分題玉匣銘鶴去幾時歸華  
表牛眠先日光玄扃風雲尚護宜男草家

國猶傳教子經春杵聲消隣巷靜松楸色  
帶遠山青詔頒天府鸞回紙機斷春暉鳥  
下庭定見蓬萊清淺水不知幾處照雲斲  
義易宗侯招同伯章孟公園亭小集

賦此題贈

偶從上苑觀真氣忽漫王門見客星徑轉  
踈籬苔蘚綠山開小洞薜蘿青雲間早嶺  
鶯啼樹天曠時聞鶴唳亭躡躑躅登筵永作



饌倚樓對峙翠爲屏魚龍每戲池中水  
蚪都回壁上形雨霽光生玄圃月林深香  
散寶函經花蹊次第春能至閣道滌迴夜  
不局浮世年來甘鍛羽乘風今始一揚翎

上關西李公

上國才名喧辟歷西京人望起章縫暫於  
方外爲司馬久向關中識卧龍按部叢臺  
能化俗清軍故壘不聞烽詩傳大地千家

註書在名山五岳宗公府懸魚辭主饋野  
田將鶴勸明農已知仙吏鳴三輔更望  
天門到九重玩世且垂黃綬佩行春應對  
紫泥封却憐一舍邯鄲道學步何年可適  
從

貞壽篇

有引

西蜀歐陽公出宰邯鄲遠迎慈侍時  
維七月太母設悅之辰也母曾割股

愈夫茹荼教子遂爲貞壽篇以贈  
雲軒迎養傳西蜀萱草生華樹北堂寶婺  
星從三輔現金函書自九玄將乍臨花縣  
逢秋爽久見珠林出夜光割股曾聞充犬  
藥恤孤先已計多方且論觀雉人如堵莫  
道聽蟬鬢有霜戲綵遠翻銀漢影駐顏近  
借紫霞觴祇因象服膺新社尚憶熊丸在  
故鄉我亦隣封稱壽母不知餘蔭是甘棠

山居 十首

携壺蹲石麓倚杖過山橋忽聽幽人語沿  
溪採藥苗

山路無車馬春風有去來量晴逢雨霽探  
節報花開

古刹無僧住深林但鳥啼杖藜新雨後拾  
翠晚山西

一自離城郭寧知謝主臣田頭思往事幾

墮野狐身

綠樹三家屋蒼山一片雲人來如問室得酒卽成醺

潑黛起家山清流在此灣登臨如不倦仍聽鳥間關

山水千溪漲山亭六月寒北窗高枕卧無夢到邯鄲

構亭依水而挹翠卧山腰紅樹秋將暮臨風不挂瓢

澗水何時凍出梅昨夜開門前一丈雪儻卧少人來

世途不可涉吾鬢亦滄浪何似山中色年年草堂

李芝田如舫齋成過此有題

堂室分成壁齋斲藉作窓千家城市裏此地若爲雙

如舫大於斗，閑身逸似仙。宛然居水國，不用買山錢。

中秋夜雨懷張林宗張子襄先輩

秋雲何黯澹，夜雨更淋漓。不見龍光合，停杯重所思。

懷李立父司士汪明生徵君

河梁初作別，蟋蟀漸聞聲。自入連宵夢，臨風幾愴情。

題成爲蒼畫景

半嶺茆堂出，千林野渡分。所期人不至，搔首賦停雲。

懷襄陽周用修李太生

細雨歇還霏，孤燈明復滅。漢江一夢殘，水斷聲嗚咽。

胡允嵐李恒沙招飲

授几雲生席，開尊酒泛霞。坐來仙女至，滿

地散天花

同孫子馨遊上方寺因謁信陵君廟  
金身來漢魏寶塔歷隋唐公子歸何處  
靈宿上方

同齊本源韓太坤登吹臺觀李媿媿  
走馬

臺荒雲易散山遠翠來微獨有鬢兒俠  
挑花馬上飛

陪邑侯蘇公遊泉亭寺時李蓄已馬  
毅仲治具備至晚歸遇雨

鐘鳴僧始出風定鳥將還一望疎林外  
西來翠滿山

詎意千家宰携遊七寶林車徒雖異域  
賞却同心

天未雲俱白秋深草尚青欲移樓下席  
先醉佛前亭

沿池分曲徑垂柳拂盤餐忽際天花雨隨  
車過後村

邯鄲謝近永年張秉亨兩烈士也俱  
負直氣而死

英雄曾玩世勇烈幾當關易水同歌後蕭  
蕭去不還

直道陵夷久相看義氣存可憐埋俠骨兩  
地未招魂

壬戌夏日余鬱鬱齋居友朋隔絕因  
卽景感懷率爾有作

掘根新草綠夾竹小桃紅只此堪高隱循  
墻不借東

掃榻頻移坐垂釣久空簾老應憐我拙懶  
豈畏人嫌

白首歌長短黃金乍有無却閑鐵如意不  
擊小珊瑚

載筆臨科斗開尊近薦蘿久知人事改整  
折欲如何

夏日同丘漸遠馬殺仲劉建侯飲盞  
適之滄水南園

臨河新水漲隔岸暮雲低賴有藤分徑紫  
林總不迷  
酒能吞一石花正壓千枝黃鳥窺人樂變  
飛去亦遲

雨過消繁暑風來透晚香水鷗留我狎妬  
殺野鷺鷥

言深情漸洽妓密舞更諠千夜翻歌後行  
雲遂過園

### 登華山

險涉千迴巖驚攀一線梯巖巖長青猶又南  
翠與天齊

有人來來屢無客問時能十丈巖危在知

石浦...飲塵...不可...  
我二奉雲

巨靈何代...毛女不歸...  
中幾換人

答李九咸卯李四臺原

神氣成雙劍...  
腹欲藏珠

有感

海外兵戈有歲時...  
借筋能區畫萬里徒勞六月師

回祿長安兩歲災...  
再有捐金疏先築當年郭隗臺

饑饉年來已薦臻...  
金欲起溝中瘠豈爲充宮遺利臣

留別楊任南侍御



聽馬嘶風鴈不群  
黎陽十日醉餘醺  
草玄別後應難解  
何處擔簦問子雲

與呂鑑天齊李源韓太坤譚天言別  
關情湖海弟兄分  
一唱驪駒不忍聞  
寒在黃河霜在地  
殊方回首各停雲

奉送郡伯劉公實父入計

板橋星散曉霜凝  
俯伏膏車悵遠乘  
欲問漢家旌計吏  
春風今已下鯨鯨

雪後春生萬井烟  
金門曳屣又三年  
攀轅父老應相說  
劉寵何曾受一錢  
千騎諸侯此會同  
行人猶避五花驄  
長安知在雲霄上  
可掖兒童一御風

奉送司李胡公晉秩計曹

五雲今始詔含香  
馬首秋高早度霜  
行櫓已空民尚稅  
可能起草奏明光  
幾年稷下醉華春  
一旦車生卧轍塵  
戶口

關心惟待漏不憐蕭索感恩人  
夙駕王程柳尚青送來和月散疎星臨岐  
莫慮侯芭老已醉公門著後經

奉寄劉使君文孚

金魚橋下戲茨菰曾醉高陽舊酒徒古道  
不迷風雨夢別來幾度見雙鳧  
化城片月照多羅夜半猶憐送酒過自挹  
使君河潤後至今隣壤 絃歌

寄寧達生

一別三年隔兩河君今讀禮我悲歌賓鴻  
不寄相思紙誰惜秋衣老芟荷

九日奉壽王父

山市何人識歲星黃花小院戶常扃只今  
九十年餘一燈下依然注道經  
挂冠莫謂老來貧傲盡繁華幾世人力健  
登高應望遠可看東海復揚塵

悼內

結髮依依五十年，曾無反目戾生前。幾廻  
欲話糟糠事，一隔幽明永絕絃。  
鰥居愁我若爲情，風雨離魂汝亦驚。地下  
倘逢姑舅問，年來兒女半分更。

題白衣大士庵

慈雲不斷護金經，鸚鵡追隨戲水瓶。莫道  
海南身是幻，帶來修竹已青青。

答李文葆嬰

遠道雙雙寄鯉魚，夢回風雨嘆居諸。祇因  
卧病文園久，不是嵇康懶作書。  
老大羞看犢鼻禪，黃金白眼不堪論。征鴻  
果是傳書者，一日停雲幾斷魂。

金山寺

倚杖西來渡大江，毒龍時向水中降。黃金  
已爲開山盡，獨有慈雲護法幢。

浮王臨風勢若搖帆櫓遠帶海門潮尋僧  
問偈迷烟雨一聽鐘聲散寂寥

義易宗侯招同鄴下七友泛舟溷水  
時壬戌秋夜七月既望也

命棹尋幽可適從宛然赤壁是前峰和歌  
響應中流水驚起深淵月下龍

西園七子總能文尊酒扁舟坐夜久露重  
廉葭溪漸冷秋衣捲盡絳河雲

秋夜同李咸卯臺辰月下登城

城隅得月晚涼侵明滅疎燈在遠林却恠  
夜深猶作響秋聲喚出草蟲音

同張澹如黃伯謙王仲羨飲刁氏園  
觀妓

刁家斗酒賣千錢拉我鯨吞恰似泉莫惜  
花飛春欲盡黃金步下已生蓮

蘇曹秋日同石思睿李明庚昆明咸

卯伯仲携伎泛舟

蘆荻經秋夾岸齊  
小舟輕繫柳陰西  
邯鄲少婦留人醉  
一片行雲唱徹低

河流簫鼓棹歌行  
水面游魚戲不驚  
容與却憐神女態  
過橋分手各含情

牛伯孝過訪不值留詩黃梁賦此寄  
曾見邯鄲道上詩  
方知題鳳已多時  
可憐地遠籠鶯廢  
每誦黃庭重我思

龍君御先生道經洛水邂逅卽行帳

然有作

江漢人文海嶽宗  
塵勞今始一攀龍  
無何遂指巖程駕  
三十天高不可從  
車輪草色引高低  
雲夢行吞八九齊  
我豈桃源避秦者  
隨風欲過武陵溪

汪明生別有年矣聞秦趙開府前後  
辟爲幕賓作此寄懷

不將龍劍渡延津佩作中丞入幕賓名重  
兩都詞賦久如新可問白頭人

寄秦京

梁園借我醉胡姬二十春殘如夢期聞道  
金多蘇季子令人錯憶舊遊時

謁李衛公祠

在涉縣山中前有龍母廟即命公行雨處也

行雨騎龍出此山繞祠萬栢敢誰攀更憐  
武畧開唐運每道英雄一壯顏

閃兒行允修伯仲留飲賦贈

莫雲秋水斷橋橫沽酒留人醉不行自是  
雙龍分劍氣坐來風雨一時生

李少保席上喜遇羅伯符項彥甫有  
贈

矯矯雙龍不受塵雲開秋水聚平津自從  
共醉尚書酒坐上談天已駭人

廣平司李張公誕辰

遠山翠滴水泠泠月到官衙夜不扃言鳥  
似知仙客至口啣花片聽金經

丁未立春日閣汝用張後之過訪

伊威黠澹子雲亭今日何期聚客星綵蕖  
度春花映酒留人芳草一時青

寄贈蕭含譽博士

掄材年少雄三楚造士風高渡兩河書帶  
草青春又至不知門外已籠鷲

奉贈郡伯南公八首

揆藻翩翩命世才家聲萬石自秦來褰帷  
一顧知民隱不待循行問草萊

竹馬迎來歲較遲長安猶問白雲司豈知  
四事初條畫一路行人口載碑

海上雲開見石年行行五馬亦登仙久辭  
暮夜黃金餽山叟何勞又送錢

待賑饑民歲漸多感時先議緩催科却憐

甘雨隨車注遂向春風鼓腹歌

西來步已過邯鄲紗帽籠頭復種蘭吏隱  
自能忘勢分每因風雪問袁安

羸馬蕭蕭不渡津濫竽郵客枉勞民卽今  
傳命歸新約驛路梅花幾報春

案牘無勞好著書有時命駕采芙蓉臨瀝  
多少新詩賦肯寄山中慰索居

焚香坐對石經函野况憂民間采藍借寇

莫辭山地僻春生萱草正宜男

成爲倉秉憲過洛見訪不值乃復投  
贈以詩賦此寄懷

洛水行雲領旆旌羈身遠媿少逢迎歸來  
開卷詩成玉片紙真當十五城

岢嵐山險斷雙魚未寄相思一紙書獨有  
停雲經望眼十年飛夢幾躊躇

司李胡公賑荒過洛任駕惠粟



五月荒田未插禾驚傳授祭到烟蘿不知  
饑色銷多少纔得舍舖卽放歌

宋仲明將之都門留飲言別時與其  
兄伯乾拜官候選

滿坐鯨吞北海樽乍看芳草送王孫定知  
待詔聯花萼金馬嘶春第幾門  
庭前寶樹起琅玕大袖佳人舞七盤銀燭  
滿堂春不夜賜來玉露好加餐

飲單汝明齋頭同孫子馨分得歌字  
茆堂雨後長松蘿山色西來翠較多酒泛  
桃花春在席短牆飛鳥聽人歌

遊大佛崖贈靜上人

萬疊深山禮佛經跏趺坐定亦忘形焚香  
開講沙門日何處龍來座上聽

臨洛東郭乃

世宗駐蹕地也過此有感

六龍行在兩經過輦路雲屯王氣多回首  
百年風物改金錢猶拾舊城坡

邯鄲道中寄贈歐陽公嶰峒

邯鄲花滿亦河陽坐嘯經綸不下堂仙令  
豈關五斗米炊來應自有黃梁

寓文殊寺答冉仁父

僵卧空門雪未晴何期過我聞今生難除  
卅二因緣累尚對維摩病裏行

李于田先生挽詩

詞賦投交二十年不知幾贈買山錢自從  
夜半騎箕去每食何能一下咽

曾許爲文序我詩書來定不負前期無端  
鳥下墳頭淚落落何人再見知

因君始向大人遊遂有虛名落剡緹正欲  
再圖前路事可憐深壑已藏舟

墓前宿草自黃昏夜雨令人幾斷魂欲與

向時賓客弔秋風已鎖信陵門

哭冀肖父

肖像曾留屋下祠長安猶記避驄時如何  
兒女參商戾一掩玄扉總不知  
何事交深反見疑幾迴對酒亦羞池九原  
靈爽今如在尚感從前鮑叔知  
我有新軒許見過倏然捐館奈人何黃金  
半爲鄉隣散誰唱墳頭薤露歌

邑侯李公尊尼奔喪歸里詩以送之

一長叢臺禮教新每沾河潤起沉淪乍聞  
海上悲風木滿路楊花不見春

兩地甘棠屬使君龍光又合若爲分東方  
手掩玄扃後幾向西山望白雲

題孟伯章少室山圖

何來風雨澹山輝坐久雲開出翠微貪寫  
晴峰三十六豈知一筆撥春暉

寄揚白華

雨散長天結暮愁  
梨花新月下簾鉤  
春風不度凌波襪  
一水盈盈望女牛  
明滅孤燈照寂寥  
疎簾小簾暗香飄  
宓妃見說遊神滸  
洛水新來幾度潮

寄懷張平仲

蓬門兩度過高車  
一別三年少鴈書  
爲問風流謝太傅  
東山春色近何如

只隔東西一日程  
此身憔悴不堪行  
臨風獨有懷人夢  
知落高秋第幾聲

白冲和丞郡兗州賦此寄懷

信都一別久沉淪  
蒼狗浮雲咲此身  
尚記使君東閣醉  
夢回風雨滿平津  
長缺歌殘出有車  
歸來乍可寄雙魚  
卽今坐嘯丞東郡  
魯殿春深好著書

郡伯劉公實父入計過洛枉駕山居

無何捐館都門哀見乎詞

南望行旌鬢已華忽傳五馬到山家  
一別幽明隔天遠招魂有斷霞

三載專城幾授食何期捐館下長安  
自從旅櫬經洛水每過豐碑墮淚看

盧氏單汝明訃音至

千里驚傳廣柳車月明終夜步庭除  
未知縶後書成否一望莘川淚滿裾

傅元鼎讞晉使還賦此以贈時丁巳

花朝也

三晉寃消幾覆盆使君歸後尚思恩  
春來祚胤今如許盡在于公駟馬門

東風有信報花朝十二樓頭響鳳簫  
莫闕含香新賜否沈郎金帶已垂腰

奉贈別駕孟公

司馬殊方蚤放衙嘯歌岸幘讀南華  
夜燦

對客揮毫賦片紙驚看五色花  
曉山洛水見屏星坐鎮巖城夜不徧國計  
已充官事少獨留天馬過閒庭

寄懷侯公獻之

絃歌隣壤至今聞千里猶然望使君一拜  
揚州司馬氏踟躕跨鶴幾凌雲  
秋江佐郡采芙蓉夙駕高車馬似龍獨有  
長卿消渴甚可能音問到臨邛

清源秋日登別張仲立刺史

秋入長天一鴈飛今宵夢落故山薇使君  
不忍窮交別纔見西風遂授衣

阮太冲卜築尉氏賦贈以詩

有家居近步兵墳同齋千秋爾不羣貧富  
何勞論阮氏聲華南北總相聞

寄懷崔元暉敬叔

幽鳥間關兩咽低遠天芳草又萋萋寒山

古路人烟少每到春來夢不迷

宿陳澹叔別業

天外秋風一夜高相逢意氣見吾曹  
醉來計乞陳蕃榻夢落漳河幾處濤

題蕪子長畫扇

千溪流水抱松關說法高僧肩兩筵  
策杖欲看雲起處人傳尚隔一重山

遇王二隆吉太學留飲時隆吉誕辰值

麗人樊素如至

花香酒氣度江籬遠道麻姑小步遲  
見說蓬萊水可渡不知清淺幾多時

邢州同毛德輝李大椿飲後讓橋懷

古

義士相傳仗劍過斬衣濕血尚流河  
千秋恨入橋頭水不醉其如感慨何

懷關中南子興太史賈魯玉都丞

搦管曾窺豹一斑  
燒燈過鼓醉春山  
自後紫氣臨關後  
風雨鷄鳴有夢還

趙國光  
單汝明  
冀文昭  
趙翼  
甫過詩

山中即事

涼風欲雨九秋霜  
八月深山小菊黃  
客至尊開花近眼  
登高今日即重陽

青樓少婦曲代答張去華徵君

淚浸羅襦不度香  
乍驚紅雨點流黃  
臨風欲數春來怨  
只隔天台便杳茫

村居喜王裕參進士趙孟興大行過

訪

敝蓋貂裘嬾入秦  
寧知甌裏亦生塵  
却憐載酒村頭醉  
一片風花滿地春

武安道中同冀懷榆顏榆景榆伯紳

馬上口占

夾岸桃花嶺上春  
桃花不染鶡冠塵  
深



落日聞鷄犬尚有秦時避世人

袁崇甫牛季章劉敬仲李季延李道

熙馬良伯携鄴下困麗人過訪邇

近即別賦此寄懷

一行公子慰幽居擁出韓陵女校書  
婢約乍驚雲雨散梧桐小院幾躊躇

盈盈微步欲凌波共約東風問薜蘿  
裘典鷓鴣酒已至香消南國美人何

留別陶甫王孫

秋空鴈影度長河酒到驪駒遂動歌  
從此還家春正至至王孫芳草奈人何

過黃梁夢

一竈黃梁已不炊空餘陳跡至今疑  
神仙只在邯鄲道祗恐人間夢覺遲

留別仲佩宗侯

一片韓陵幾振衣霜殘今日始思歸  
秋風

不斷懷人意明月漳河有夢飛

留別呂宗望伯仲

蕭寺歌殘酒氣微那堪飛雪又相違  
寒風吹斷千林鳥一片梅花領騎歸

上黨遇郡伯趙公留飲賦贈

黎亭秋色照冥鴻白月清尊感慨同  
五馬歸來休伏櫪已看蹠躩出墻東

邢子愿先生招飲園亭兼惠手筆即

席賦謝

尊酒臨花挹露多春風言鳥解人歌  
醉來乞與黃庭紙不爲揮毫遂受鵞

贈邢侍御子愿

避世名山日著書白雲常對此幽居  
如何蒲草年年發不近埋輪去後車  
門客紛紛乞買山有錢十萬盡闌珊  
豹文變後知多少却怪無人見一斑

山居喜宋伯乾仲明至

風雨崖頭領歲華悠悠此地遂成家何來  
潑黛山光起都落雙龍劍上花

哭趙季兆

八首

百首長歌國士知昨朝猶有寄來詩如何  
男女無婚嫁竟赴盧敖汗漫期  
惆悵無期見笑顏蕭蕭風雨暗河山纔聞  
丁令仙遊去遂向遼東望鶴還

義田荒廢族人饑仍苦漳河水近扉桑柘  
舊栽今亦盡不知誰更授寒衣

賓客如雲載後車河東賦就幾吹噓隣人  
忽弄山陽笛一夜風霜滿舊廬

羅綺空房對月明翩翩蝴蝶夢回驚自從  
封禪書遺後琴瑟留塵再不鳴

佐郡無何遂蓋棺黃河賴汝已迴瀾不知  
天上金莖露可向佳城賜幾盤

廣陵曲盡亦云亡浪說乘雲入帝鄉  
嗟逝不堪回首望月明魍魅走虛堂

何來鵬鳥下閒庭一夜長天際客舟  
堪道郭城都罷市三臺今尚望歸靈

魏中丞挽詩

風霜入疏排闥闔桃李成蹊蔭下  
燕登意勒碑開府後至今墮淚不堪吞

池塘春草舊相承此日茫茫感廢興  
欲問

弔來雙白鶴滿天風雨下擔簦

司馬新承漢代恩如何繁水竟招魂  
亦知厭世乘雲去只向西州泣墓門

長洲周公瑕吳江王承父別來十年

矣偶聞訃音情見乎詞

鴻鴈飄零別後書故人消息定何如  
傳來化作雙飛鶴一夜江南萬井虛

無題

回首桃源已斷津楊家有女尚懷春相逢  
倘下江州淚莫指青衫是路人

濱州張左海郡伯光州劉太景駕部

同日計至

中原一日喪斯文兩地相傳不可聞水斷  
黃河滄海變招魂知在幾重雲

留別孟伯章別駕時伯章轉長沙郡

丞

三臺風雨度河梁千里相思亦渺茫獨有  
後君遺愛久春來滿路發甘棠

鄴下霜華起佩刀可携湘水帶春濤王祥  
不是風塵吏公輔相期首重搔

古道蕭蕭馬渡遲漳河二月尚流嘶知君  
又勒鞞陵石每過茲山重所思

昆陽夏日馬毅許明府招飲衙齋卽

事賦贈

梅雨初收現歲星雙雙海鶴共揚翎自從  
真氣東行後道德何人再著經  
雲霞出縣領雙鳥每許王喬到帝都今日  
稱觥如盡醉指天搔癢倚麻姑  
高臺玩處有真龍若到昆陽幾度逢顏駐  
丹砂身已健可能携我問遺蹤  
遼東羽檄夜提兵遂有前軍耀武行正是  
朝廷推轂日露從仙掌賜金莖

過趙王陵

歲久風殘土漸崩牛羊猶上趙王陵變衰  
不斷秋來草只有行人感廢興

泉亭寺池上同李知白李聶許小集  
盈盈一水出芙蓉恰有西方大士居花在  
講堂香不散茶禪到此是真如

過龍潭

在洛之東南  
相去十里

鳥盡千林日影踈龍湫水潤近村墟憑誰

喚起西門豹引鑿田間十二渠

元夕同窳完嬰李承蠲登觀音閣

誰散天花印佛燈春寒高處借雲蒸不知  
錯落星毬後月下香臺第幾層

洛河柳下作

沙堤楊柳枕河流二月青青擁上絳羅  
莫愁吹笛盡春風只在小橋頭

婁山懷古

昔唐太宗討劉黑闥屯兵於此

千載屯兵事已非言尋故壘尚依稀寒烟

不鎖青山色每至登臨翠滿衣

檀臺

在洛北二里蹟又湮沒史記趙成侯二十年魏獻榮椽因為臺

莫恠成侯竟不歸檀臺今已作漁磯可憐  
魏獻榮椽後一響秋聲送落暉

咏聰明山栢

樹拂雲根石上盤虬枝聳翠闔青巒傳來  
服食身能健為乞山靈可乍餐

信宮

在臨洛宮址久廢史記趙武靈王十九年春正月大朝信宮

列國雄圖久寂寥武靈遺址亦漂搖自從探雀沙丘去胡服何人再視朝

過龐居士故里

有引

居士名蘊字道玄性嗜酒屠唐貞死  
間曾流寓洛南今尚有僧結庵

諸天色相擁龐莊曾作當年選佛場今日  
誅茅僧結舍孤燈一鉢尚焚香

大梁秋日留別竹居宗正

為客經年在兩河相逢每許醉顏醺曉來  
起向觀瀾別不為無車一放歌

夷門穉老忽相分行李蕭然但挂雲田首  
賣藥仍舊業邯鄲獨憶信陵君

再登大伾山因憶朱載德侍御暨同  
遊諸君迄今三十年矣率爾有作

青山佛閣尚峻嶒三十年來兩度登驄馬



寂寥遊客散參禪誰與問高僧

睢州劉止所余垂髫友也偶晤其弟

文所始知已捐館矣感而賦之

五十年餘幾變更相逢感舊重關情  
隣人知有傷心淚不向山陽弄笛聲

望杜鵑不至

好音何處度行雲桃李東風共憶君  
自信我家無謝女如何春盡不相聞

同王子春李猶龍沙嶺晚行

峻嶺關門出半天雲蒸石溜水蟲穿  
深林欲乞前村火一片霜華冷暮煙

再寄白華

南浦相看惜路岐臨風猶記竹枝詞  
霍家不鎖黃金鳳飛去飛來未可知

病起何人慰索居闌干斜倚獨躊躇  
爾家只在衡陽曲却恠春來少鴈書

雲暗陽臺夢到遲  
黃昏坐盡轉凄其  
漏聲滴出燈前淚  
香燼燒殘紙上詞

寂歷空齋細雨垂  
傷春心事總支離  
章臺楊柳持青色  
不受東風一夜吹

獨擁寒衾坐夜分  
那看杯酒卽成醺  
桃花不逐東流水  
莫恠天台有斷雲

欲看鸛裘體不勝  
病來愁見酒如澠  
文君忘却琴中調  
浪說相如娶茂陵

九日李葆嬰丈見惠酒餽走筆賦謝  
衰顏仗酒色猶飛  
豈待王弘倩白衣  
况敢題餽酬令節  
登臨却憶使君歸

贈姬易王孫

怒馬鮮衣膽氣粗  
黃金時付酒家胡  
夜來筆底花飛夢  
題遍乾坤五嶽圖

寄陳濬河魏評雨將寄而評雨故矣

雄飛壯志老存片語令人卽感恩生

交情懷我重 一言往 已銷

冀文昭衛調王余契友也各有家使  
俱先伎而逝

每同尊酒醉花枝都惟乘雲在一時曲斷  
霓裳人不舞春風從此度來遲

過楊雲封墓

風高慷慨屬吾徒家有千金好客無身後  
妻亡兒亦死墓前宿草自榮枯

